

րում գրեթէ բոլոր այն երկիրները, որ պատկանում են վրաց Բագրատունիներին, եւ անգամ գրաւել էր Դարձալի պահակը պաշտպանող ամրոցը, ասել է թէ հիւսիսային սահման էր Կովկասեան շղթան: Սմբատը նայում էր Ատրնեքսէի վրայ, որպէս միեւնոյն ընտանիքի անդամի: Հակառակ կրօնական խտրութեան Ատրնեքսէ հնարաւոր էր գտնուի Չատիկը անցնել Սմբատի մօտ եւ նրա հետ միասին: Սմբատ եւ Ատրնեքսէ՝ երկու եղբօր թոռան թոռներ էին. բացի դրանից՝ Ատրնեքսէ Սմբատի հօրաքրոջ թոռն էր:

IX

Նոյն ատեններն էր, որ թագ կապեցին նաեւ Աղուանքի Բագրատունիները:

Տեսնեք, որ Սահլ Սմբատեանը մատնելով Բարակին, արժանացաւ ամիրապետի առանձին ուշադրութեան: Նրա որդին տարաւ Բարակին յանձնեց արար զօրավարին եւ ստացաւ դրամական պարգեւ: Արարական մատենագիր Տարբուրի տալիս է նաեւ Սահլի որդու անունը՝ Մուաւիա:

Այդ ժամանակները սովորութիւն էր դարձել, որ հայ իշխանները կրկնակի անուններ էին առնում, զուտ ազգային եւ արարական, ինչպէս եւ Բիւղանդիայում հայկական անուն կից ունէին եւ յունական անուն: Ի՞նչ էր Մուաւիայի հայ անունը:

Կաղանկատուացու նորագիւտ հատուածի մէջ, ուր խօսքը Սահլի մասին է, յիշուի է «Յովհաննէս տէրն տէրանց, որ հայոց, վրաց եւ աղուանից եղեւ տէր»: Բնական է կարծել, որ այս Յովհաննէսը Սահլի որդին է նոյն Մուաւիան, կամ նրա եղբայրը:

Թուում է թէ այս անձը նոյնն է, որ կոչուում է Համամ: Մխիթար Այրիվանեցին 320=871 թուին յիշում է «Համամ, որ եւ Յոհաննէս Բագրատունի»: Կարեւոր յայտնութիւն, որով Աղուանից յայտնի Համամ թագաւորը նոյնանում է յիշեալ Յոհաննէսի հետ: Յովհ. Կաթ. կոչում է Համամին մեծ իշխան Արեւելից եւ պատմում է, որ երբ Գէորգ կաթողիկոսը Սմբատ թագաւորի պատուէրով գնաց Ատրպատականի իշխան Աիշինի մօտ հաշտութեան նը-

պատակով, Աիշին ձերբակալեց կաթողիկոսին եւ ազատելու համար փրկանք էր պահանջում: Հայ եպիսկոպոսները դանձեցին հարկաւոր դումարը եւ խնդրեցին Համամի միջնորդութիւնը, որ իր կողմից աւելացրեց դրամը եւ ազատեց զերուած հայրապետին:

Կաղանկատուացու զիտութեամբ, Աիշինի յարձակումը եւ կաթողիկոսի կալանաւորումը տեղի ունեցաւ հ. 342=893 թուին: Եւ ազատողը Համամն էր « որ եւ Աղուանից եղեւ թագաւոր»: Այս խօսքերից չի երեւում, թէ Համամ յետոյ թագաւոր եղաւ թէ արդէն թագաւոր էր, մանաւանդ երբ աւելացնում է, որ ինչպէս Աշոտ Բագրատունին նորոգեց հայոց թագաւորութիւնը, այնպէս էլ Համամը՝ Աղուանից. «այսք ի միում ժամանակի գործեցան», այսինքն՝ Թ. դարի վերջերին, բայց դժուար Աշոտի հետ միաժամանակ: Ատրնեքսէ վրաց իշխանը թէեւ 15 տարի ուշ քան Աշոտը թագ կապեց, կարելի է ասել, «ի միում ժամանակի»: Ասողիկը թագաւոր է անուանում Համամին, Գէորգ կաթողիկոսի ազատութեան մասին խօսելիս (Գ. 3):

Աղուանից պատմագիրը մի նկատողութիւն է անում, որ արժանի է ուշադրութեան: Համամ մեծ յանցանք էր գործել, «վասն սնտարի կենացս զպարտ արեան եղբօրն ժողովեալ յանձին իւրում»: Ասել է թէ Համամը սպանել էր իր եղբօրը, թերեւս, իշխանութիւնը ձեռք ձգելու համար: Ո՞վ էր սրա եղբայրը, յայտնի չէ: Արդեօ՞ք Մուաւիա եւ Յովհաննէս տարբեր անձեր չեն եւ եղբայրներ. եւ զո՞ր Մուաւիան չէ՞: Դժուար է ենթադրութիւնից այն կողմն անցնել:

Պաշիկ վարդապետը, որին պարտական ենք Կաղանկատուացու հատուածի յայտնարբերութիւնը, հաղորդում է որ Մեծարանց Ս. Յակոբի վանքում կայ մի արձանագրութիւն, ուր յիշուի է Յովհաննէս իշխանի անունը, եւ որ աւելորդ չենք համարում բերել այստեղ.

ՅԲ թուականութ

են հայո ի ժամանակ

Յովանիսի Աղվան(ից)

իշխանի ես Սողոմ(ոն)

Մեծարանց եպիսկ(ոպոս)

կանգնեցի զս... (Սրբատ, 1897, Ապրիլ):